

Delvis opning av normal undervisning i Vang kulturskule.

Vang kulturskule har som mål å ta til at med undervisning frå 18. mai. Opninga gjeld ikkje for dans og barnekor. Vi kjem tilbake til når og korleis vi kan kome i gang med dei. Vi startar all vår undervisning etter 14.40, altså etter at grunnskulen er ferdig.

For at dette skal vere trygt har vi laga nokre rutinar alle må sette seg inn i og følge nøye.

Tiltak for smittevern – til elever og føresette

Bruk av rom

Hovudinngangen og Foaje i Vangshallen er stengd. Vi brukar berre inngangen på baksida ved asfaltert handballbane. For å unngå smittepunkt vil døra vere open når det er undervisning. Bygget er ikkje opent for anna enn kulturskuleundervisning. Kom presis til timen – rett før den skal begynne) og gå ut att når timen er over.

Unngå toalettbesøk på kulturskulen.

Pass på at du held god avstand til andre i gangane og om det er kø på antibac-dispenseren.

Handhygiene

Vask hendene før du dreg heimanfrå, eller går frå skulen - om du kjem frå grunnskulen.

Bruk antibac på hendene når du kjem på kulturskulen. Det finn du rett innafor inngangsdøra (ved kuturskulekjøkkenet). Husk generelle råd om hosting. Vask hendene når du kjem heim/tilbake til skulen.

Undervisningen:

Vi treng kanskje framleis at nokre elevar har undervisning over internett. Det er fortsatt høve til dette. Kvar enkelt lærar og elev avtaler i så fall dette.

På timen **må** du ha med eige instrument, eller trommestikker.

Songarar brukar ikkje mikrofon.

Kulturskulen låner ikkje ut instrument til timane. Unntak er piano og slagverk, desse blir gjort reint mellom kvar elev.

Hald god avstand til døra om førre elev skal ut før du skal inn. Om mogleg: vent til læraren opnar døra.

Hald avstand til elever og lærarar.

Kondens/spytt frå blåseinstrument samlast direkte i papir som kastast med påfølgande handvask.

Foreldresamtalar skjer ev. på videochat/telefon

Ein kan berre vere på kulturskulen når ein er heilt frisk

Om du har, eller nettopp har hatt symptom som sår hals, forkjølelse, lett hoste, muskelsmerter eller hovudverk, kan du ikkje kome på kulturskulen. Kontakt læraren din så kan du få undervisning heime til du har vore symptomfri i eitt døgn.

Tiltak for smittevern – for kulturskuletilsette og reinhaldspersonale:

- Foaje blir avstengd.
- Fellesareal i bruk blir vaska dagleg.
- Undervisningsromma blir vaska som før.
- Vi ber elever unngå å bruke toalett på kulturskulen.
- Elevar skal ikkje vere i bygget anna enn for undervisning.
- Det blir sendt ut informasjon om tiltaka og sett opp plakatar til påminning.
- Alle tilsette tek ansvar om ein ser at nokon gløymer seg.

Reinhaldarars ansvar:

Reinhaldarane syrgjer for antibac ved kulturskulekjøkkenet.

Reinhaldarane skaffar klorspray og tørkepapir til alle fire undervisningsrom.

Vaske fellesrom i kulturskuleetasjen. Sei i frå til rektor/inspektør om det blir for lite.

Vaske og tømme søppel som tidlegare på dei undervisningsromma som er i bruk.

Lærarane sitt ansvar:

Det er viktig at lærarane set seg godt inn i heile denne rettleiaren.

Vi utstyrer alle undervisningsrom og pauserommet med klorspray og tørkepapir for vask av bordflater, dørhandtak og utsette flater på dør og karm, trommer, piano, og andre felles berøringspunkter. Piano skal vaskast mellom kvar elev. Andre flater tørkast over 3 gonger i løpet av dagen (om ein har full dag) og ved undervisningsøktas slutt. Meld i frå til rektor i god tid før du går tom for klorvann eller papir.

Når det er mulig betjener læraren døra for elever som skal ut og inn av undervisningsrommet.

Lærarane må også sjølve vaske hender ofte.

Vi utviser varsemnd for smitte på pauserommet/kjøkkenrom.

Alle vaskar hendene før dei bruker kopimaskina, og tørker av maskinas berøringspunkter med klorfukta tørkepapir før og etter bruk.

Lærarane tek ikkje i elevanes instrument, unntatt ved behov for å stemme. Læraren bruker då eingongshanskar og overlevering av instrument skjer slik at regelen om ein meters avstand blir halde.

Lærarane prøver å lufte ekstra (opne vindauga) når det er mogleg.

Undervisningsromma blir vaska som før. Sei ifrå til rektor som det blir for sjeldan.

Lærarane må også halde avstand til kvarandre.

Lærarane hjelper til med å innarbeide gode rutinar på at den som kjem held god avstand til døra når førre elev skal ut.

Lærarar har ansvar for å rettleie om nokon gløymer å følge smitteverntiltaka.

Gje melding til rektor ved avvik frå smitteverntiltaka.

Ein einskild lærar kan samle grupper med 3 elevar om den yngste er i 2. klasse eller eldre.
Ein einskild lærar kan samle grupper med 10 elevar om den yngste er i 4. klasse eller eldre.
To eller fleire lærarar kan samle større grupper etter restriktive skjønn, der ein kjenner seg trygg på at ein klarer gjennomføre alle smitteverntiltak på ein god måte.
Vi kan samle grupper med 30 vaksne. (Gjeld dirigentar for kor og korps)

Rektor/inspektør sitt ansvar:

Informere elever og føresette om dei nye rutinane

Informerer alle born og unge gjennom grunnskulens kanalar om at kulturskulen sin sin avdeling ikkje er opent, sjølv om det har open dør.

Syte for at trappa ned og HC-toalettet vert merka som stengd.

Syte for at alle lærarar har tilgang til bygget gjennom døra ved kulturskulekjøkkenet.

Syte for at det er tilgang på eingongshanskar til dei som kan trenge det.

Fordele kven som har ansvar for at ytterdøra blir lukka kvar kveld.

Merke tydeleg med plakatar på kulturskulen at

- Huset er stengt for anna aktivitet/opphald
- Ein freistar unngå toalettbruk på huset
- Ein må halde avstand til døra når førre elev skal forlate undervisningsrommet